



QUÆSTIO MEDICA,
QUODLIBETARIIS DISPUTATIONIBUS
MANE DISCUTIENDA
IN SCHOLIS MEDICORUM.



Dic Jovis 8 Februarii 1720.

M. JOANNE-DAMIANO CHEVALIER,
DOCTORE MEDICO, PRÆSIDE.

An Febris intermittens Alcalia?

I.

NATURALIUM rerum notitia, opinione & conjecturis ferè tota continetur. Pauca admodum scientià consequi datur mortalibus. In rebus medicis quicquid habes certi, id *anatomicis* demonstrationibus primùm, deinde *mechanicis* legibus, postremò observationibus acceptum referas. Hinc quantum sit in *systematibus* vacuum & inane, quàm fallax & exitiosum artis medicæ praxim ad eorum fìctiones adaptare, nemo sanæ mentis non deprehendit. Corporis humani partium structuram, plurimos usus, cum aliis partibus consensus varios oculis subjicit *anatomie*. Fluidorum circuitus *autopsiâ* innotescit: modum docet *mechanismus*. Ex his exsurgit plurimorum morborum cognitio. Hos inter inflammatorios numerabis, apoplexiam, icterum, hydropem & alios benè multos. Ad horum curationem, peritus animalis *œconomia*, quasi manu ducitur Medicus. Sanguini enim hærenti, celsipanti, aut secretionum intermissione suam debent originem. Sunt verò non pauci, quorum ut natura ignota, sic eorundem curandorum methodus demonstrari non potest *à priori*. Iis ergo profligandis ea sunt adhibenda remedia quæ usu & experienciâ constat cæteris antecellere.

II.

ARS medenti jam ab antiquo æ existit. Et principium & via inventa, per quam inventa & multa & probè habentia comperta sunt. Per multum adeo tempus & reliqua deinceps invenientur. Ars ergo longa. Hoc autem non aliundè magis
a Hippocrates de veteri medicinâ. lib. 2. Vander Linden interprete.

quàm ab ignotâ quorundam morborum causâ deducendum existimes. Nam *morbum novisse, morbum sanasse* *b*. Morbos verò quorum natura vel ex *anatomie*, vel ex *mechanismi* legibus non innoteſcit, quomodo sanare aggredieris, niſi aut tuâ aut alienâ fretus experienciâ? per varias igitur variorum auctorum obſervationes ad medendi ſcientiam erudiri Medicum neceſſe eſt. At obſervationum nomine non ſolùm medicamenta, ſed & eorumdem ſelectum & utendi modum comprehendito. Plura ſunt enim: verùm alia aliis efficaciora: quæque tamen ſuo modo morbum cuiuſdam ſpeciei certò depellere idonea: *paradoxon* ſibiles? cave ne cenſurâ præcepti *axiomati* deneges aſſenſum. Argumentum efflagitas quod rei dubiæ faciã fidem? auſculta. Quod hodie potuit aliquid efficere, cras idem præſter (cæteris paribus) conſequens eſt. Quid? cæcam dices Medici ſicut & *Empirici* fortunam? turpiter erras. Pendet enim curationis felicitas ab idoneâ faciendi opportunitate. Morborum autem differentias & parilitates, tempora & opportunitates exhibendorum ſpecificorum dignoſcere, non Circulatoris eſt, aut *Empirici*, ſed unius ad naturam facti ſiſtique Medici. Hujus eruditæ ſagacitati patet, quod ſuperbiter cucullatos, loquaces mulierculus, mendaces *Empiricos* later fugique, *c* *Natura etenim variè ſtimulata aut impulſa, quid faciendum, quid omittendum, quidve eligendum ſit artis peritiis demonſtrat*. Et quis artem non miretur, non colat, quæ vel iſſiſſimis ægri tudinibus, quorum natura tam denſis obſita eſt tenebris medendo non impares informat artiſices! ex horumce morborum cenſu, quos obſcuros vocat Hippocrates *d*, febrem intermiſſentem eſſe, nemo, opinor, non facilè aſſentietur.

I I L

FEBRIS intermittens eſt quæ per intervalla diverſis redit *paroxyſmis* tempore intercalari ab omni febre penitus vacuo. Definiri poteſt affectus præter naturam primum frigore non rarò horrore; deinde ut plurimum inſigni calore, ſiti, *cephalalgia* moleſtus. Diverſa pro diverſo interſtitio ſortitur nomina. Alia tertiana dicitur quæ diebus æternis; alia quartana, quæ poſt bidduum invadit. An verò quæ ſingulis diebus ægrum torquet quotidiana, aut tertiana duplex appellanda ſit, res eſt nullius momenti. Proximam febris cauſam alii à bile & pituitâ, alii à flatibus, alii ab acido fermento, alii & ab humorum copiâ & à diaphoreſi imminutâ repetendam cenſent. Quanquam à quibuſdam ex hiſce cauſis febres oriri, quandoque contingat; atramen parùm inde morbi hujus *ætiologiam* illuſtrari fatendum eſt. Non enim ſemper cum febre concurrunt hæ cauſæ, nec febris cum illis. Hinc Medici haud ignobiles peculiare quoddam venenum febrium cauſam aſſerunt *e*. Quid eſt aliud quàm febris cauſam ſibi ignotam apertè ſignificare? & quidem Philoſophum ſe aliquid neſcire fateri nec turpe eſt nec indecorum. Fare, age; qui hujus naturam noſſe gloriantur, num feliciùs ægrotantes ſanitati reſtituunt? nequaquam. Ergo plus ſuperbi-loquentiæ produnt quàm ſcientiæ. Reverà qui febricitantium curationem bilis & pituitæ evacuatione tentant, non rarò parùm aut nihil profecère. Sæpè ſæpiùs enim, dilutis licet, atque *catharſi* vacuatis (ut opinabantur) viciatis humoribus, febris crudeliùs ſæviebat *f*. Huic itaque medendi methodo *ſpecifica*, (*antidota* vocabant) adjungere cogebantur *g*. Innumera ferè ſunt quæ invexit ætas ſubſequens. Horum efficaciffimæ, nemine (ante inventum corticem peruvianum) reclamante, *Alcalia* comperta ſunt.

b Idem de Arte XX. 4. *c* Idem ibidem XXII. *d* Ibidem 2. *e* Mortonus Bædus, Protopoſtarius. Vide Mortonum de Febribus. c. 3. & 7. *f* Vide Viſſum de Febribus. c. 4. *g* Vide Alexandrum Trallianum lib. 12. c. 7. & c. 8.

h Quina Jeſuitarum neminem hiſc ſanavit. Nunc de eo nullibi mentio habetur.

Barbarus ipſe jacet ſine ullo nomine pulvis. Idem ibidem epiſt. CX.

INTER omnia antifebrilia, ut nullum postea celebratum magis fuerit quàm cortex Peruvianus, nullum tamen difficilius apud Medicos fidem obtinuit. Non spernendum interea Pharmacum; imò & in pluribus aliis morbis ac in febre intermittente proficuum. Jacuit nihilo secius per annos ferè quatuordecim inglorium: vel quòd illius temporis methodici omnes specificas proprietates, tanquam Empiricorum illusiones, ludibrio haberent; vel quòd nullà lege, nullàve methòdo à circulatoribus exhibitum spem ægrorum sæpè sæpiùs falleret. At ex quo cœpit à Medicis exhiberi, pulvis ille Jesuiticus feliciorē nactus sortem ad eum honoris gradum evectus est, ut cæteris jam dudum expertis *febrisfugis* longè anteponatur. Fallacem tamen (heu nimium!) pulverem dolent etiamnum ægri simul & Medici. In vitio sit genuini aut inefficacia, aut inopia, vel exhibendi ratio, vel casuum, in quibus certò opitulatur, cognitio difficilis & intricatior: videant quorum interest ejus famam tueri. Hoc certò constat ex unanimi Medicorum consensu, quòd non solùm pluribus noxiis sit, verùm adulterinus, fuscatus & mille modis vitiosus *m*. Quàm igitur anxium & ex eventu sollicitum decet esse Medicum, qui corticem hunc præscribit, quem non elegerit & probavit! In eligendo autem labor, Non colori credat nimium, non sapor, non utrique. Olfactu præsertim genuinus agnoscitur. Hei! si, vel non cuique datur habere *nasum* *n*; vel huic quoque sensui imponere norit avara venditorum nequitia. Quanto igitur præstantiora debent existimari ea *specificæ*, quæ si minus majori, saltem æquali virtute prædita, iis carent vitiis quibus *Kina Kina* obnoxius est? Talia sunt non unius tantùm generis *alcalia*. Semper prostant, eaque genuina; nemini nociva, adulterari nescia. *Alcalinum* nomine intelligi corpora, aut ex iis elicitos liquores qui cum acidis permixti *fermentescunt*, & acidorum aculeos obtundunt, nemo est qui nesciat. Ex plantis, ex mineralibus & animalibus suppetunt. Alia salina, alia terrea, alia *fixa*, alia *volatilia*. Quà ratione febrem fugare possint inquiris? non quò fiat, sed an fiat inquirendum. Fieri autem testes sunt quàm plurimi tum præsentis, tum ante actorum temporum *practici*. Horum non pauci ea cortici peruviano, ut potè quæ citiùs & tutiùs & sine *recidivæ* metu ægros à febre liberarent, anteposuerunt *p*: nonnulli suapte experiētiā edocti prædicare debuissent anteponenda *q*.

V.

VIDEN' quàm firmo quàm stabili fundamento nitatur assertio nostra? nunc age; num ex ipsà febris intermittētis ratione formali ea confirmari possit, experiamur. Invadente *paroxysmo* extremæ partes membrorum inalgescunt; quid inde innuitur? nempe interclusos quâcumque ex causâ meatus *perspirationi* dicatos. Tunc excretoria vasa primùm, deindè quorum hæc sunt processus, lymphatica opplentur. In iis lentescunt, hærent succi, vel foras amandandi, vel venis restituendi. Porro frigere corporis *peripheriam*, extremaque membra necessariò consequitur, cum liquoribus negatur circuitus liber & facilis. Crescente dein obice distorqueri; stringi magis ac magis, arctarique arteriolas cuique est obvium. Horum *fibrille* nervæ cum sint, ac proximè sensiles admodum, & contractiles, *spasmo* corripuntur; unde cutis corrugatio. *Spasmus*, per nervorum longitudinem undulando, ad partes usque diffusas excurrens quàm varia inducit *pathemata*! tremore & horrore totum corpus intremiscit & quatitur, cum in musculorum tunicam & artuum ligamenta *spasmus* terminatur. Repit ad

i *Patinius epistola CIV. T. 1.* l *Moronus c. 8.* m *Idem ibidem.* n *Martial. Epigram. lib. 1. Epig. XLII.*
o *Crollius, Mynschius, Strobelbergerus, Riverius, Barbette, Ettmullerus. Poterius, Kergerus, de quibus consularis Ettmullerus de febribus intermit. c. 2.*
p *Harris, de morbis acutis insanum. Barbette, de febribus; Ettmullerus ibidem.*
q *Mortonus, de proteriformi intermittētis genio, cap. 9. Historia XXXI. & XXX.*

cerebri meninges? Hemicranie & cephalalgie habes auctorem. Ventriculi & intestinum membranæ convelluntur? Nausea, vomitu, diarrhæa febris stipatur. Cumulatur interea sanguinis moles arteriis coercita: undè ad occillationes fortiores crebrioresve cogi & stimulari eas & cor ipsum, evincit *mechanismus*. Nam resiliunt liquores obicem nacti, & in potentiam impellentem motu retrogrado aguntur. Sic quod unicâ cordis *systole*, adjuvantibus arteriis, ad partes usque extremas, si liberi essent tubuli & permeabiles, deferretur sanguinis, id vix pluribus propellitur ad eam partem vasorum quæ *spasmo* coarctatur. Ingeminant igitur ictus plus minusve, prout vasorum longior aut brevior capacitas succis ingurgitatur. Hinc calorem nasci intelligis? habes febrium intermittentium *etiologiam solidorum systemati* accommodatam. Hæc si minus evidenter demonstratur; certè hoc vel solo titulo cæteris anteponenda, quod ad naturæ leges propiùs accedat, & divini senis redoleat ingenium. Nunc ex *alcalium* naturâ virtutem eorum conjicito. Corpora sunt dura, rigida, *inalterabilia*, in partes minutissimas dividi aptissima ac in exiles canaliculos permeare idonea. Si ante *paroxysmum* exhibeantur, duriusculis suis, vasculorum parietes sustentant moleculis. Hæc arte tubulorum constrictioni occurritur; *spasmus* præcavetur; reserata servantur *Diaphoreses* viæ. Nec illud unicum *Alcalia* naturæ laboranti præstant adjumentum. Si quid est liquoribus tenax, viscidum, ac everberantibus *solidorum occillationibus* inobediens, illud *Alcalium* ope, totidem cuneorum instar dividitur, atteritur, comminuitur. Hoc itaque modo *alcalia* non frigus & horrorem tantum, sed & calorem ipsum anteverunt. A *fermentatione* naturali sanguinis depressâ cum Willisianis: repetere mavis febrium causam ob admixtas sanguini *heterogeneas* & immiscibiles particulas? salibus *fixis alcalibus*, coralliis, margaritis &c. sanguinis *fermentatio* sustentatur & restauratur. Placet in *fermentatione* præternaturali ab *acido* quodam excitatâ, febribus naturam reponere? Et quodnam tam præfens remedium in frangendis *acidorum* aculeis & sopienda illâ *fermentatione* quàm *alcalia*.

r Nam dum contrahuntur venæ sanguine & coacto & congelato corpus & contrahunt, & tremere faciunt. Hippocrates lib. 1. de Morbis. XXII. 18.

s VVillisius, de febribus, c. 3. t Idem, c. II. Mortonius, de febr. continent. exercitat. 2. c. 7.

Ergo Febribus intermittentibus *Alcalia*.

Domini Doctores disputaturi.

M. Camillus Falconnet, utriusque Aula Equestris, Medicus ordin.	M. Antonius Geoffroy.	M. Joannes Desp. Paschard.
M. Hyacinth. Theodorus Baron, Scholarum Professor.	M. Joannes Franciscus Contier.	M. Philippus Fontaine.
M. Joan. Nicol. de la Hire, à Re- giâ Scientiarum Academiâ.	M. Joannes - Baptista Mongin, Medicus Regis ordinarius.	M. Antonius Pepin, Phar- maciâ Professor.

Proponebat Parisiis JACOBUS PHILIPPUS DAVIER
DE BREVILLE, Parisinus, Baccalaureus Medicus. A. R. S. H. 1720
die octavo Februarii, à sexta ad meridiem.